

CONVENIO DE COLABORACIÓN ENTRE A CONSELLERÍA DE ECONOMÍA, EMPREGO E INDUSTRIA E A CONFEDERACIÓN DE INDUSTRIAS TÉXTILES DE GALICIA – COINTEGA, AS ORGANIZACIÓN SINDICAIS UGT-FICA - INDUSTRIA, CONSTRUCCIÓN E AGRO DE UGT E A FEDERACIÓN DE INDUSTRIA DE CCOO GALICIA NO MARCO DO PROXECTO “GALITEX”

En Santiago de Compostela, 17 de xullo de 2018

REUNIDOS

Dunha parte, conselleiro de Economía, Emprego e Industria, en nome e representación do departamento do que é titular en virtude das facultades representativas propias do seu cargo, derivadas do disposto no Decreto 148/2016, de 13 de novembro, do seu nomeamento, e do artigo 26 da Lei 1/1983, do 22 de febreiro, reguladora da Xunta de Galicia e a súa presidencia.

Doutra parte,

D. en calidade de Presidente da CONFEDERACIÓN DE INDUSTRIAS TÉXTILES DE GALICIA – COINTEGA, en nome e representación da dita organización.

D. en calidade de Presidente da xestora da entidade UGT-FICA – FEDERACIÓN DE INDUSTRIA, CONSTRUCCIÓN E AGRO DE UGT, en nome e representación da dita organización.

D. en calidade de Secretario xeral da entidade FEDERACIÓN DE INDUSTRIA DE CCOO GALICIA, en nome e representación da dita organización.

Recoñecéndose todos eles que interveñen en función dos seus respectivos cargos e no exercicio das facultades que teñen conferidas para convir en nome das entidades que representan.

MANIFESTAN

I.- Que o Decreto 135/2017, do 28 de decembro, establece a estrutura orgánica da Consellería de Economía, Emprego e Industria, no que se adscribe a este departamento da Administración Autonómica, entre outras, as competencias en políticas activas de emprego, política laboral, relacións laborais, seguridade e saúde laboral, orientación e promoción laboral.

Que no exercicio destas funcións á Secretaría xeral de Emprego lle corresponde a dirección e coordinación das competencias da comunidade autónoma en materia laboral e á Dirección Xeral de Orientación e Promoción Laboral o desenvolvemento das funcións en materia de formación para o emprego, cualificacións profesionais e intermediación no mercado de traballo, colocación e orientación laboral.

II.- Que o presente convenio de colaboración formalízase baixo o disposto no parágrafo primeiro da Resolución do 8 de abril de 1991, na que se fai público o acordo do Consello da Xunta de Galicia do 27 de marzo de 1991, sobre convenios de colaboración con particulares e con outros entes públicos, enmarcándose dentro do previsto no artigo 6 da Lei 9/2017, do 8 de novembro, de Contratos do Sector Público.

Así mesmo, axústase ao disposto na Lei 9/2007, do 13 de xuño, no artigo 26.2 a) e no seu regulamento aprobado polo Decreto 11/2009, do 8 de xaneiro, quedando xustificado o carácter singular da axuda e as razóns que acreditan o interese público, social e económico e aquelas que xustifican a dificultade da súa convocatoria pública, atendendo ás especificidades do obxecto do convenio, así como pola especificidade dos/as destinatarios/as últimos/as: persoas traballadoras despedidas no sector téxtil.

III.- Que as organizacións UGT- Galicia, S.N. de CCOO de Galicia e a CEG son organizacións sindicais e empresariais máis representativas dos intereses das persoas traballadoras e das empresas galegas, polo que se acorda que o Proxecto "GALITEX" sexa xestionado de forma conxunta pola Xunta de Galicia en colaboración cos interlocutores sociais e económicos por ser máis representativos, articulándose esta execución conxunta mediante o presente convenio de colaboración.

IV.- Que aínda que a Comunidade Autónoma de Galicia conta cun sector de confección de pezas de vestir (CNAE 14) consolidado, sen embargo, recentemente, o sector téxtil-confección galego experimentou unha diminución da súa taxa de crecemento de forma paralela ao crecemento das economías emerxentes e á liberación do sector da confección a nivel mundial.

Esta situación supuxo a perda dun gran número de postos de traballo e o peche de multitude de empresas con longas traxectorias na produción téxtil que viron como o seu modelo de negocio fracasaba a favor de industrias en países en vías de desenvolvemento ou emerxentes que son capaces de producir un gran número de pezas en pouco tempo, conseguindo reducir os tempos de subministración e permitíndolle ás grandes industrias téxtiles modificar a súa forma de produción cara ao coñecido como *just in time*.

Ante esta situación, deseñouse o proxecto “GALITEX”, e se presentou en data 18 de xuño de 2017 , a través da Unidad Administrativa del Fondo Social Europeo – UAFSE- unha solicitude de cofinanciamento ao Fondo Europeo de Adaptación á Globalización (en adiante FEAG) (Regulamento (UE) Nº 1309/2013 del Parlamento Europeo y del Consejo de 17 de decembro de 2013 sobre o Fondo Europeo de Adaptación á Globalización (2014-2020) e polo que se derroga o Regulamento (CE) Nº 1927/2006), resultando aprobada definitivamente en data 01-03-2018 por Resolución do Parlamento Europeo. “GALITEX”, terá como beneficiarias as persoas desempregadas provenientes de empresas de Galicia do CNAE 14, de *confección de prendas de vestir*, cuxo despedimento fora motivado por causas obxectivas entre o 30 de xullo de 2016 e o 30 de abril de 2017.

O proxecto GALITEX conta polo tanto, co apoio financeiro da Xunta de Galicia e do FEAG.

En base ao anterior, acórdase asinar o presente convenio de colaboración que se rexerá polas seguintes

CLÁUSULAS

PRIMEIRA.- Obxecto do convenio

O obxecto do presente convenio é establecer as condicións polas que se rexerá a colaboración entre a Consellería de Economía, Emprego e Industria e as organizacións asinantes respecto das actuacións a levar a cabo no Proxecto “GALITEX” para as anualidades 2018 e 2019.

Para iso, a Xunta de Galicia, a través da Secretaria Xeral de Emprego da Consellería de Economía, Emprego e Industria, coa colaboración das organización empresarial, CEG a través da Confederación de industrias téxtiles de Galicia – COINTEGA, e sindicais, UGT-GALICIA, a través de UGT-FICA – Federación de Industria, Construción e Agro de UGT, e CCOO de Galicia, a través da Federación de Industria de CCOO Galicia, levarán a cabo as actividades correspondentes ao proxecto “GALITEX”.

SEGUNDA.- Accións a realizar.

O proxecto “GALITEX”, tal como consta na Decisión aprobatoria da Comisión Europea contempla a realización de distintas accións para a procura da inserción laboral das persoas usuarias nas que a Xunta de Galicia contará coa colaboración dos interlocutores asinantes deste Convenio, pola súa condición de ser máis representativos, polo que no marco do presente convenio e dentro das anualidades 2018 e 2019, a colaboración consistirá nas seguintes actuacións:

SERVIZOS PERSONALIZADOS

1.Acollida e Diagnóstico inicial

2.Medidas de Sensibilización

- Obradoiros para a activación laboral
- Obradoiros de acreditación de valorización e reforzo de competencias profesionais e habilidades socio- laborais
- Obradoiros de Retorno ás aulas

3.Programa de Orientación.

- Orientación laboral por conta allea
- Orientación laboral para o autoemprego

4.Programa de formación

- Formación en Competencias Básicas
- Formación Transversal
- Formación de recualificación Profesional fora do Sector
- Formación de Especialización dentro do Sector

5.Programa de inserción.

- Apoio á recolocación
- Seguimento personalizado

6.Programa de incentivos

- Incentivo para a participación activa.
- Bolsa de desprazamento.
- Incentivo para o fomento do autoemprego.
- Incentivo para a conciliación.

Para unha eficaz execución das accións, o reparto das actividades a levar a cabo e do presuposto por cada entidade beneficiaria será o seguinte:

ACCIÓNS		ENTIDADE	CONVENIO 2018- 2019		
			INDICADOR	€/persoa	IMPORTE
Acollida e Diagnose inicial		CCOO	61	32,13 €	1.959,75 €
		UGT	61	32,13 €	1.959,75 €
Medidas de sensibilización	Obradoiros para a activación laboral	CCOO	24	194,44 €	4.666,67 €
		UGT	24	194,44 €	4.666,67 €
		COINTEGA	24	194,44 €	4.666,67 €
	Obradoiros de acreditación de valorización e reforzo de competencias profesionais e habilidades socio- laborais	CCOO	24	200,00 €	4.800,00 €
		UGT	23	200,00 €	4.600,00 €
		COINTEGA	23	200,00 €	4.600,00 €
	Obradoiros de Retorno ás aulas	CCOO	24	200,00 €	4.800,00 €
		UGT	23	200,00 €	4.600,00 €
		COINTEGA	23	200,00 €	4.600,00 €
Orientación	Orientación laboral por conta allea	CCOO	63	600,00 €	37.800,00 €
		UGT	62	600,00 €	37.200,00 €
		COINTEGA	62	600,00 €	37.200,00 €
	Orientación laboral para o autoemprego	COINTEGA	25	455,91 €	11.397,75 €
Formación	Formación en competencias básicas	UGT	35	1.285,71 €	45.000,00 €
		COINTEGA	35	1.285,71 €	45.000,00 €
	Formación transversal	UGT	82	911,58 €	74.749,56 €
		COINTEGA	83	911,58 €	75.661,14 €
	Formación de recualificación profesional fora del sector	UGT	7	2.800,00 €	20.000,00 €
		COINTEGA	7	2.800,00 €	20.000,00 €
	Formación de especialización dentro do sector	UGT	25	2.452,38 €	61.309,43 €
		COINTEGA	25	2.452,38 €	61.309,43 €
Programa de inserción	Apoio á recolocación	CCOO	34	1.978,36 €	67.264,16 €
		UGT	33	1.978,37 €	65.286,21 €
		COINTEGA	33	1.978,37 €	65.286,21 €
	Seguimento no emprego	CCOO	32	224,29 €	7.177,41 €
		UGT	32	224,29 €	7.177,41 €
		COINTEGA	31	224,30 €	6.953,30 €
Programa de incentivos	Incentivo para a participación activa.	CCOO	48.000,00 €		
		UGT			
		COINTEGA			
	Bolsa de desprazamento.	CCOO	21.600,00 €		
		UGT			
		COINTEGA			
	Incentivo para o fomento do autoemprego	CCOO	18.000,00 €		
		UGT			
		COINTEGA			
	Incentivo para a conciliación	CCOO	120.000,00 €		
		UGT			
		COINTEGA			
TOTAL					999.291,50 €

2018	Indicadores 2018	2019	Indicadores 2019
1.959,75 €	61	- €	0
1.959,75 €	61	- €	0
4.666,67 €	24	- €	0
4.666,67 €	24	- €	0
4.666,67 €	24	- €	0
4.800,00 €	24	- €	0
4.600,00 €	23	- €	0
4.600,00 €	23	- €	0
4.800,00 €	24	- €	0
4.600,00 €	23	- €	0
4.600,00 €	23	- €	0
20.400,00 €	34	17.400,00 €	29
19.800,00 €	33	17.400,00 €	29
19.800,00 €	33	17.400,00 €	29
6.838,65 €	15	4.559,10 €	10
12.857,14 €	10	32.142,86 €	25
12.857,14 €	10	32.142,86 €	25
29.170,56 €	32	45.579,00 €	50
30.082,14 €	33	45.579,00 €	50
20.000,00 €	7	0,00 €	0
20.000,00 €	7	0,00 €	0
24.523,77 €	10	36.785,66 €	15
24.523,77 €	10	36.785,66 €	15
27.697,01 €	14	39.567,15 €	20
25.718,81 €	13	39.567,40 €	20
25.718,81 €	13	39.567,40 €	20
- €	0	7.177,41 €	32
- €	0	7.177,41 €	32
- €	0	6.953,30 €	31
28.000,00 €		20.000,00 €	
8.100,00 €		13.500,00 €	
7.200,00 €		10.800,00 €	
48.000,00 €		72.000,00 €	
457.207,30 €		542.084,20 €	

Para acadar o importe máximo establecido para cada unha das tarefas, deberase acadar o indicador previsto no cadro anterior. No caso de non acadarse se reducirá proporcionalmente o presuposto, é dicir, en caso de non cumprirse o gasto total previsto no orzamento asignado, o importe reducirase na contía que corresponda pola parte do orzamento non executado.

Os custos totais financiáveis non poderán superar o custo total establecido para cada unha das actuacións.

As actividades deberán ser desenvoltas segundo a Memoria do Proxecto aprobada pola Comisión Europea e baixo a supervisión do Comité de Seguimento descrita na cláusula décima do presente Convenio de Colaboración. O Comité de Seguimento velará polo cumprimento dos indicadores.

TERCEIRA.- INCENTIVOS AS PERSOAS USUARIAS DO GALITEX

Establécese, de acordo co previsto no proxecto GALITEX, un Programa de incentivos dos que serán beneficiarias as persoas usuarias das actividades, segundo a seguinte clasificación:

- Incentivo para a participación activa.
- Bolsa de desprazamento.
- Incentivo para o fomento do autoemprego.
- Incentivo para a conciliación.

Os interlocutores sociais asinantes como entidades colaboradoras na execución do proxecto GALITEX serán os encargados de xestionar, preparar a documentación necesaria e pagar os incentivos as persoas usuarias.

A documentación que se deberá achegar como xustificación de pago do incentivo será a documentación xenérica que a continuación se indica e a documentación específica que se sinala para cada tipo de incentivo.

Documentación xenérica:

- Solicitud do/s incentivo/s .
- Copia do DNI/NIE

- Documento de adhesión e participación no proxecto asinado pola persoa usuaria de GALITEX.
- Certificación da titularidade e número de conta bancaria para o ingreso dos incentivos
- Escrito de compromiso na realización das actividades propostas e a participación activa no proxecto
- Certificado do sindicato ou organización empresarial, no que se especifique a actividade onde a persoa usuaria está a participar, a súa participación activa, a duración da mesma e o importe do incentivo ou incentivos que se solicitan

INCENTIVO PARA A PARTICIPACIÓN ACTIVA

REQUISITOS DAS PERSOAS BENEFICIARIAS DO INCENTIVO

- Ser participante no Proxecto GALITEX
- Asistir as sesións de orientación e inserción as que sexa convocado polo persoal orientador do proxecto.
- Realizar o plan personalizado de inserción laboral

CONTÍA DA AXUDA: O incentivo consistirá nun pago trimestral de 50 euros, cun máximo de 400 € a o longo de todo o proxecto.

INCENTIVO DE DESPRAZAMENTO

REQUISITOS DAS PERSOAS BENEFICIARIAS DO INCENTIVO

- Ser participante no proxecto GALITEX.
- Cursar estudos presenciais, nalguna das accións formativas programadas no proxecto GALITEX, e que se inclúan dentro do plan personalizado de inserción laboral da persoa solicitante do incentivo.

CONTÍA DA AXUDA

Se establece unha axuda máxima de 180 euros por curso formativo presencial, que precise dun desprazamento do domicilio da persoa traballadora usuaria do proxecto, ao lugar onde se está a desenvolver a acción formativa.

O importe será calculado da seguinte forma:

- Desprazamento de carácter interurbano: 0,19 euros / quilómetro, por día de asistencia.
- Desprazamento de carácter urbano: 3 euros por día de asistencia.

Tamén poderán ser pagados os gastos necesarios para a asistencia á actividade formativa, como autoestrada, aparcamento, ou similar. Sempre que presenten o xustificante dos ditos gastos.

A persoa solicitante poderá optar polas axudas aquí descritas, ou polo pago dos billetes do transporte público, sempre que presenten o xustificante dos ditos gastos

DOCUMENTACIÓN ESPECÍFICA

- Declaración do solicitante do incentivo onde indique os quilómetros a percorrer
- Xustificantes dos gastos de autoestrada, transporte, aparcamento, ou similar

INCENTIVO PARA O FOMENTO DO AUTOEMPREGO

REQUISITOS DAS PERSOAS BENEFICIARIAS DO INCENTIVO

- Ser participante no proxecto GALITEX
- Participar ou ter participado no programa para a orientación laboral.
- Acreditar que a alta do usuario no réxime especial de traballadores autónomos (RETA) da seguridade social, que deberá ter unha data posterior a súa adhesión ao programa para o fomento para o autoemprego.
- Permanecer como autónomo ou promotor dunha sociedade, ininterrompidamente, un mínimo de 30 días.

CONTÍA DA AXUDA: A contía da axuda será de 200€ ao mes durante un máximo de seis meses

DOCUMENTACIÓN ESPECÍFICA

- Certificado expedido polos interlocutores sociais que reflicta o importe a percibir, e a participación do usuario no programa para o fomento para el autoemprego

- Documento no que conste a alta do usuario no réxime especial de traballadores autónomos (RETA) da seguridade social
- Xustificantes de pago da seguridade social (RETA)

INCENTIVO PARA A CONCILIACIÓN

REQUISITOS DAS PERSOAS BENEFICIARIAS DO INCENTIVO

- Ser participante no proxecto GALITEX
- Convivir e ter ao seu cargo fillos, ou persoas acollidas, familiares ascendentes, descendentes o colaterais, por consanguinidade ou afinidade e ata o segundo grao. Ben que sexan menores de 9 anos. Ou ben que sexan unha ou varias persoas dependentes por ter recoñecida unha discapacidade ou pola súa idade, igual o superior aos 65 anos, sempre que en ambos os dous casos non poidan valerse por si mesmas nas actividades habituais da vida cotiá.
- Participar en cursos de formación que se inclúan dentro do itinerario formativo, deseñado polo persoal de orientación.

CONTÍA DA AXUDA

O importe será calculado da seguinte forma:

- Cunha persoa, menor de 9 anos ou persoa dependente a seu cargo: 15 euros / día de asistencia ao curso no que participa a persoa solicitante.
- Con dúas ou máis persoas, menores de 9 anos ou persoas dependentes ao seu cargo: 20 euros / día de asistencia ao curso no que participa a persoa solicitante.

DOCUMENTACIÓN ESPECÍFICA

- Copia do libro de familia
- Resolución de recoñecemento da situación de dependencia da persoa ou persoas polas que se require a axuda.
- Certificado de empadroamento da persoa solicitante que inclúa á persoa menor ou dependente

Os incentivos regulados neste convenio son todos compatibles entre si. Excepto a de transporte urbano, interurbano e o pago do billete do autobús, entre si.

O dereito das persoas usuarias para percibir os incentivos de desprazamento e conciliación referirase a cada día de asistencia na correspondente acción formativa.

A Secretaría Xeral de Emprego elaborará os modelos que fosen necesarios para a xustificación do pago dos incentivos.

CUARTA.- Ámbito de aplicación e vixencia do convenio.

O presente convenio de colaboración terá vixencia desde o día da súa sinatura ata o 30 de setembro de 2019 e abranguerá todas as actuacións sinaladas na cláusula segunda do presente convenio, desenvolvidas no ámbito territorial da Comunidade Autónoma de Galicia que sexan obxecto das correspondentes subvencións e que se realicen no período comprendido entre o **1 de xaneiro de 2018 e o 30 de setembro de 2019.**

QUINTA.- Financiamento das actuacións.

O importe total das axudas para o desenvolvemento das actuacións previstas na cláusula segunda do presente convenio será de 791.691,50 euros, dos cales 365.907,30 euros correspóndese coa anualidade 2018 e 425.784,20 euros coa anualidade 2019.

Do orzamento da anualidade 2018 a Federación de Industria de CCOO Galicia lle corresponderá un máximo de 64.323,42 euros, á FICA-UGT un máximo de 147.896,70 euros e a COINTEGA un máximo de 153.687,18 euros.

Do orzamento da anualidade 2019 a Federación de Industria de CCOO Galicia lle corresponderá un máximo de 64.144,56 euros, á FICA-UGT un máximo de 178.652,32 euros e a COINTEGA un máximo de 182.987,31 euros.

Polo que respecta ao importe dos incentivos, que lle corresponderá xestionar e xustificar, no seu caso, ascende a 207.600€ dos cales 91.300,00 € serán para 2018 e 116.300 € para 2019.

A achega financeira da Consellería de Economía, Emprego e Industria para os anos 2018 e 2019 será con cargo á aplicación orzamentaria de gasto 09.40.324A.481.9, con código de proxecto 2018 00013.

SEXTA- Pago das actividades.

Poderanse realizar pagamentos anticipados que suporán entregas de fondos con carácter previo á xustificación, como financiamento necesario para levar a cabo as actuacións obxecto deste convenio. Os pagamentos anticipados serán de ata o 80% do importe para cada unha das anualidades.

O importe do pagamento anticipado calcularase tendo en conta o orzamento das partidas destinadas a aollida e diagnose inicial, medidas de sensibilización, orientación, formación e programa de inserción; Excluíndose os incentivos as persoas usuarias.

Así mesmo, as entidades beneficiarias poderán solicitar, a partir da data da sinatura do presente convenio de colaboración pagos parciais das actuacións nos prazos e forma expostos na cláusula seguinte do presente convenio, unha vez realizados os gastos correspondentes ás tarefas e actividades dos que este é obxecto.

A suma dos pagamentos a conta máis os anticipos previstos no parágrafo anterior non serán superiores ao total do importe a convir.

Para proceder ao seu pagamento, cada unha das entidades beneficiarias deberán enviar a documentación relacionada na cláusula sétima referida á xustificación.

Por cada anualidade, os últimos gastos xustificadas servirán de xustificante do pagamento anticipado realizado. O resto dos gastos aboaranse mediante o sistema de pagamento establecido na cláusula sétima.

SÉTIMA- Prazo e forma de xustificación.

A xustificación das subvencións percibidas no marco do presente convenio efectuarase por parte de cada unha das entidades asinantes antes do día 10 de outubro de 2019.

As entidades deberán presentar certificacións de gastos parciais antes das seguintes datas:

- 5 de setembro de 2018
- 5 de novembro de 2018
- 26 de decembro de 2018
- 6 de marzo de 2019
- 6 de maio de 2019
- 5 de xullo de 2019
- 30 de setembro de 2019

Con cada solicitude de pago deberá achegarse un informe explicativo das actividades desenvoltras con cargo ao gasto certificado.

Considéranse gastos subvencionables, ao abeiro do artigo 29 da Lei 9/2007, do 13 de xuño, de subvencións de Galicia, aqueles que de xeito indubidable respondan á natureza da actividade subvencionada e se realicen no prazo establecido, e considérase gasto realizado o que foi efectivamente pagado con anterioridade á finalización do prazo de xustificación do presente convenio. En todo caso, estes pagos deberán referirse a actuacións desenvoltras entre o 1 de xaneiro de 2018 e o 30 de setembro de 2019.

En todo caso, respectarase o establecido na Orde ESS/1924/2016, de 13 de decembro, pola que se determinan os gastos subvencionables polo Fondo Social Europeo durante o período de programación 2014-2020.

Para os efectos de xustificación, terán a consideración de gastos elixibles:

- Gastos de persoal interno e externo (coordinación, técnico, docente e administrativo), que inclúen retribucións totais, incluída as cotizacións á Seguridade Social por todos os conceptos.
- Gastos xerais, materiais e técnicos: arrendamentos (excluído o *leasing*, *renting* ou similares) de edificios, mobiliario, utensilios, maquinaria e equipos informáticos; mantemento (se non está incluído no arrendamento); consumibles e funxibles empregados nas accións formativas;

subministración de enerxía eléctrica, auga, combustible para calefacción (se non está incluído no arrendamento); comunicacións (teléfono, correos etc.); limpeza; seguridade, vixilancia; seguros de responsabilidade civil; outros gastos correntes de funcionamento necesarios para o desenvolvemento do Programa; guías, documentación para o participante; gastos de execución en material de oficina; gastos de difusión e publicidade (carteis, anuncios, folletos, ou similares) e, en ningún caso poderán xustificarse investimentos.

- A bolsa de axuda e incentivos pola participación activa, polas axudas de custo e desprazamento, o polo autoemprego e a conciliación.

Para todos os gastos non relacionados anteriormente será necesaria a súa previa comunicación e xustificación á Consellería de Economía, Emprego e Industria, que deberá autorizalos por escrito para que teñan a consideración de gastos elixibles.

A acreditación farase mediante as facturas, nóminas ou xustificantes correspondentes, orixinais ou copias compulsadas acompañadas dos xustificantes de pagamento bancario destas. Todas as facturas, nóminas e xustificantes presentados deberán estar referidas de forma inequívoca á entidade subvencionada e ao período que abrangue a subvención.

A relación completa de gastos presentarse en soporte papel e soporte electrónico á Consellería de Economía, Emprego e Industria.

Os custos totais financiáveis non poderán superar o custo total establecido para estas actuacións. No caso de non cumprirse os indicadores previstos establecidos na cláusula segunda do presente convenio para cada unha das accións e entidades, a subvención reducirase proporcionalmente na contía que corresponda.

Para os efectos de valorar a efectividade das actuacións subvencionadas, as entidades asinantes deste convenio achegarán á Consellería de Economía, Emprego e Industria, antes do día 18 de outubro de 2019, unha memoria final de actividades que inclúa todas as actuacións desenvolvidas, así como os perfís dos/as participantes (idade, xénero, nivel de estudos).

OITAVA.- Requisitos e Obrigas.

As entidades beneficiarias deberán cumprir os requisitos establecidos no artigo 10 da Lei 9/2007, do 13 de xuño, de subvencións de Galicia e no Decreto 11/2009, do 8 de xaneiro polo que se aproba o seu Regulamento e os esixidos pola convocatoria FEAG.

Así mesmo, as beneficiarias da subvención, estarán suxeitas ao cumprimento das obrigas recollidas no artigo 11 da citada Lei 9/2007, do 13 de xuño, de subvencións de Galicia e no Decreto 11/2009, do 8 de xaneiro.

Infórmase ás beneficiarias de que a aceptación da axuda supón a publicación na lista de beneficiarios prevista nos Regulamentos comunitarios.

As entidades asinantes do presente Convenio, conforme ao disposto no artigo 11 da Lei 9/2007, do 13 de xuño, de subvencións de Galicia, asumen as seguintes obrigas:

- a. Executar os Programas de apoio á reinserción laboral e realizar as actividades que fundamentan a sinatura do presente convenio de colaboración.
- b. Xustificar ante a Consellería de Economía, Emprego e Industria o cumprimento dos requisitos e condicións inherentes ao presente convenio.
- c. Someterse ás actuacións de comprobación que vai efectuar a Consellería de Economía, Emprego e Industria, así como calquera outra de comprobación e control financeiro que poidan realizar os órganos de control financeiro competentes, como é a Dirección Xeral de Política Financeira, Tesouro e Fondos Europeos, da Consellería de Facenda, achegando canta información lle sexa requirida no exercicio das actuacións anteriores.
- d. Comunicarlle á Consellería de Economía, Emprego e Industria a obtención doutras subvencións, axudas, ingresos ou recursos que financien as actividades subvencionadas.

- e. Acreditar que están ao corrente no cumprimento das súas obrigas tributarias e fronte á Seguridade Social.
- f. Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cantos estados contables e rexistros específicos sexan esixidos coa finalidade de garantir o axeitado exercicio das facultades de comprobación e control.
- g. Conservar os documentos xustificativos da subvención concedida, incluídos os documentos electrónicos, en tanto poidan ser obxecto das actuacións de comprobación e control, durante un período mínimo de tres anos.
- h. Adoptar as medidas de difusión contidas na cláusula undécima.
- i. Proceder ao reintegro dos fondos percibidos nos supostos recollidos no artigo 33 da Lei 9/2007, de 13 de xuño, de subvencións de Galicia.

NOVENA- Seguimento das accións.

A Consellería de Economía, Emprego e Industria, a través da Secretaría Xeral de Emprego, resérvase a facultade de realizar accións tendentes ao seguimento e control das actuacións convidadas. Para conseguir unha eficaz coordinación, a Consellería de Economía, Emprego e Industria e cada unha das entidades beneficiarias identificarán os seus respectivos interlocutores.

As entidades beneficiarias asinantes do presente convenio están suxeitas ao réxime de infraccións e sancións en materia de subvencións, de conformidade co previsto nos artigos 50 e seguintes da Lei 9/2007, de 13 de xuño, de subvencións de Galicia e no Decreto 11/2009, do 8 de xaneiro, polo que se aproba o seu Regulamento.

DÉCIMA.- Comité de Seguimento.

Crearase unha Comité de Seguimento do presente Convenio que se reunirá polo menos unha vez ao mes durante a vixencia deste, para a súa avaliación e coordinación, así como para incorporar modificacións e/ou posibles correccións necesarias para unha axeitada xestión das actuacións previstas.

O Comité de Seguimento velará polo cumprimento dos indicadores de execución previstos para cada entidade na cláusula segunda do presente convenio, podendo aprobar reducións do orzamento asignado para cada entidade sempre no caso de non acadar os niveis establecidos. Para o cálculo da posible redución aplicarase a regra de proporcionalidade do indicador esperado fronte ao conseguido.

O Comité de Seguimento estará composta por dúas persoas representantes de cada entidade asinante do convenio.

DÉCIMO PRIMEIRA- Divulgación e publicidade.

No marco das obrigas de divulgación, información e publicidade, as entidades beneficiarias porán en coñecemento das persoas usuarias que se trata dun Programa cofinanciado pola Xunta de Galicia e o Fondo Europeo de Adaptación á Globalización. Para iso poderanse utilizar diferentes ferramentas de comunicación e publicidade: carteis, folletos, anuncios ou calquera outro tipo de soporte (electrónico, informático ou telemático), Para a identificación e sinalética teranse en conta as medidas e especificacións técnica establecidas no manual de identidade corporativa da Xunta de Galicia, accesible a través da páxina web <http://www.xunta.es/descarga-do-manual>.

Os locais onde se desenvolvan as actuacións comprometidas neste convenio deberán atoparse debidamente identificados e sinalizados cos logotipos corporativos da Xunta de Galicia e do Fondo Europeo de Adaptación á Globalización.

As entidades asinantes consenten en que se inclúa e faga pública no Rexistro de Axudas, Subvencións e Convenios a achega outorgada por medio do presente convenio, de acordo co establecido na Lei 4/2006, do 30 de xuño, de transparencia e boas prácticas na Administración pública galega e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma para o ano 2006.

DÉCIMO SEGUNDA.- Disponibilidade dos resultados e conclusións das actuacións realizadas.

A Consellería de Economía, Emprego e Industria terá libre acceso aos datos, resultados e conclusións que se deriven das accións e estudos realizados no marco deste convenio, e poderá utilizalos no exercicio das súas propias funcións e competencias.

DÉCIMO TERCEIRA.- Subcontratación

1. As entidades asinantes do presente convenio poderán subcontratar, por unha soa vez, a realización das actuacións previstas na cláusula segunda, tendo en conta que a subcontratación non pode supoñer un aumento do custo de execución establecido, e deberá ser realizada de acordo co establecido no artigo 27 da Lei 9/2007, do 13 de xuño. Ademais, os subcontratistas deberán facilitarlle aos organismos de xestión, auditoría e control toda a información necesaria relativa ás actuacións subcontratadas. Esta subcontratación poderá chegar ata o 100% do importe da acción, cos límites previstos na cláusula segunda deste convenio.
2. Acreditarase a necesidade de recorrer á contratación de servizos externos, determinando o traballo encomendado, a súa duración e o servizo que se vai a prestar, así como o sistema de coordinación coa entidade principal.
3. En ningún caso, as entidades asinantes do presente convenio, poderán concertar a execución total ou parcial das actuacións previstas na cláusula segunda con entidades ou persoas vinculadas coa beneficiaria, salvo que concorran as seguintes circunstancias:
 - a) Que a contratación se realice de acordo coas condicións normais de mercado, garantindo o cumprimento dos principios de transparencia, publicidade e libre concorrència así como a normativa comunitaria en materia de contratación pública.
 - b) Que se obteña a previa autorización da Secretaría Xeral de Emprego presentando memoria xustificativa para este efecto.

4. Cando a actividade concertada con terceiros exceda do 20% do importe establecido na cláusula segunda e sexa superior a 60.000 euros, procederase á subscrición dun contrato por escrito. Con carácter previo á firma do contrato, solicitarase, por escrito, autorización á Secretaría Xeral de Emprego.

DÉCIMO CUARTA- Protección de Datos de Carácter Persoal e Confidencialidade

En cumprimento da normativa vixente en materia de protección de datos, a saber, o Regulamento (UE) 2016/679 do Parlamento Europeo e do Consello de 27 de abril de 2016 Xeral de Protección de datos (RXPd), Lei Orgánica 15/1999, de Protección de Datos de Carácter Persoal (LOPD), Regulamento de Desenvolvemento da LOPD (Real Decreto, 1720/2007, de 21 de decembro), compre establecer de forma transparente o fluxo de datos entre os asinantes do presente convenio.

O responsable do tratamento dos datos é a Consellería de Economía, Emprego e Industria.

Os dereitos de acceso, rectificación, cancelación e oposición poderanse exercer ante a Secretaría Xeral Técnica desta Consellería, mediante o envío dunha comunicación á seguinte dirección: edificio administrativo San Caetano s/n 15781 Santiago de Compostela, ou a través dun correo electrónico a lopd.industria@xunta.gal.

Os datos persoais dos traballadores e traballadoras afectados polos despedimentos aos que se dirixirán as actividades descritas neste Convenio serán utilizados para a xestión do proxecto “GALITEX”, no marco do Fondo Europeo de Adaptación á Globalización (en adiante FEAG), consistente na realización de accións destinadas a facilitar a reinserción laboral de persoas desempregadas provenientes de empresas de Galicia do CNAE 14, de confección de prendas de vestir, cuxo despedimento fora motivado por causas obxectivas entre o 30 de xullo de 2016 e o 30 de abril de 2017.

Os datos das persoas mencionadas será tratados con total confidencialidade e aplicaranse as medidas de seguridade adecuadas, de tipo físico, técnico- lóxico e

organizativo, para a protección dos datos persoais, e en particular daqueles considerados categorías especiais de datos.

Os datos persoais proporcionados se conservarán mentres estea en execución o proxecto GALITEX.

A base legal para o tratamento dos datos é a execución do presente proxecto GALITEX, e o cumprimento dunha misión en interese público, a saber, o cumprimento do FEAG, fondo creado polo Regulamento 1927/2006 do Parlamento Europeo e xestionado directamente pola Comisión Europea, que ten como obxectivo conceder axudas únicas e específicas destinadas a facilitar a reinserción laboral das persoas traballadoras en rexións, sectores, territorios ou concas de emprego damnificados por perturbacións económicas graves.

Os datos das persoas susceptibles de ser beneficiarias das actuacións serán cedidos pola Consellería de Economía, Emprego e Industria ás organizacións sindicais UGT-FICA – Federación de Industria, Construción e Agro de UGT e a Federación de Industria de CCOO Galicia e a Confederación de Industrias Téxtiles de Galicia – COINTEGA, que son organizacións sindicais e empresariais máis representativas dos intereses das persoas traballadoras e das empresas galegas, polo que se acorda que o Proxecto “GALITEX” sexa xestionado de forma conxunta.

Os datos que se cederán serán os seguintes: Nome e apelidos, DNI, data de nacemento, empresa na que o seu contrato foi extinguido por despido colectivo, data do despido, enderezo, teléfono e correo electrónico.

A comunicación dos datos está lexitimada polo cumprimento do presente convenio, así como polo cumprimento dunha misión en interese público, a saber, o cumprimento do FEAG GALITEX.

As organizacións UGT-FICA – Federación de Industria, Construción e Agro de UGT, a Federación de Industria de CCOO Galicia e a Confederación de Industrias Téxtiles de Galicia – COINTEGA so poderán tratar os datos coa finalidade de dar cumprimento ao proxecto, podendo ser consideradas encargadas do tratamento por conta do responsable.

Estas entidades obríganse a utilizar os datos persoais de conformidade co RGPD, e en particular deberán adoptar:

- Un rexistro de actividades de tratamento
- As medidas técnicas e organizativas de seguridade que se consideren necesarias, entre as que poden citarse a seudonimización ou o cifrado dos datos.
- As medidas que garantan a confidencialidade, integridade e dispoñibilidade dos datos, así como a capacidade de restauración.

Ademais, estas entidades se obrigan a non comunicar os datos a terceiras persoas, salvo autorización expresa do responsable do tratamento, debendo manter o deber de segredo e confidencialidade sobre os datos tratados, incluso mais aló do fin do proxecto. Tamén deberán formar ao seu persoal en materia de protección de datos, así como informar aos interesados sobre os dereitos que se mencionan nesta cláusula e demais información contida na mesma.

Por outra banda, tamén notificarán ao responsable do tratamento calquera violación da seguridade dos datos persoais nun prazo máximo de 36 horas, de conformidade co contido mínimo establecido no RGPD.

Así mesmo, as organizacións UGT-FICA – Federación de Industria, Construción e Agro de UGT, a Federación de Industria de CCOO Galicia e a Confederación de Industrias Téxtiles de Galicia – COINTEGA contarán cun delegado de protección de datos, que deberá figurar na información remitida aos interesados.

Calquera outra cesión deberá de aprobarse con carácter previo pola Consellería de Economía, Emprego e Industria.

Non se realizarán outras cesións de datos persoais a outras entidades, salvo obriga legal. Tampouco se prevén transferencias internacionais de datos.

En todo caso, deberase informar a todas as persoas destinatarias das actividades do programa GALITEX sobre o contido desta cláusula, así como que teñen dereito a obter a confirmación sobre si estamos a tratar os seus datos persoais (acceso), a acceder aos seus datos persoais, así como a solicitar a rectificación dos datos inexactos ou, de ser o caso, solicitar a súa supresión cando, entre

outros motivos, os datos xa non sexan necesarios para os fins que foron recollidos. Tamén poderá solicitar a limitación do tratamento dos datos, así como a oposición ao tratamento e, de ser o caso, a súa portabilidade.

Tamén deberáselle informar que para exercer os seus dereitos deberán enviar unha solicitude ao enderezo indicado do responsable do tratamento, acompañada dunha fotocopia do seu documento nacional de identidade, pasaporte ou outro documento oficial válido e vixente.

Por último, se lles informará por parte dos asinantes do Convenio sobre a posibilidade de obter información adicional sobre os seus dereitos na páxina web da Agencia Española de Protección de Datos, www.agpd.es, así como do dereito a interpoñer unha reclamación ante a Agencia Española de Protección de Datos no enderezo: <https://sedeagpd.gob.es/sede-electronicaweb/vistas/formQuejasSugerencias/seleccionarQuejaSugerencia.jsf>

DÉCIMO QUINTA.- Extinción do convenio.

Este convenio extinguirase polo remate do prazo de duración, por incumprimento dalgún dos seus asinantes das estipulacións, requisitos e obrigas contidas nel ou por mutuo acordo das partes.

DÉCIMO SEXTA.- Normativa aplicable.

Sen prexuízo de calquera outra normativa que resulte aplicable, serán de aplicación ao presente convenio:

- A Lei 9/2007, do 13 de xuño, de subvencións de Galicia e Decreto 11/2009, de 8 de xaneiro, polo que se aproba o seu regulamento.
- A Lei 38/2003, de 17 de novembro, xeral de subvencións.
- Regulamento (UE) N° 1309/2013 del Parlamento Europeo y del Consejo de 17 de decembro de 2013 sobre o Fondo Europeo de Adaptación á Globalización (2014-2020) e polo que se derroga o Regulamento (CE) N° 1927/2006

DÉCIMO SÉTIMA.- Natureza do convenio.

O presente convenio ten natureza xurídico-administrativa.

As controversias que puidesen xurdir entre as partes asinantes deste convenio sobre a súa interpretación, execución ou resolución serán resoltas, en primeiro termo, no seo da Comité de Seguimento a que se refire a cláusula décima.

Se non hai acordo, decidirá a Consellería de Economía, Emprego e Industria. Os seus acordos poñen fin á vía administrativa e someteranse á Orde Xurisdiccional Contencioso-Administrativa.

E en proba de conformidade de canto antecede, asinan por cuadriplicado o presente convenio no lugar e data sinalados no encabezamento, rubricando cada unha das páxinas de que consta.

O Conselleiro de Economía
Emprego e Industria

O Presidente da xestora de UGT-
FICA – Federación de Industria,
Construción e Agro de UGT

Asdo.:

Asdo.:

O Secretario Xeral de Federación
de Industrias de CCOO de Galicia
(Federación de Industrias-CCOO)

O Presidente da Confederación de
Industrias téxtiles de Galicia
(COINTEGA)

Asdo.:

Asdo.: